

La camba me fai mau

Li a pron de gents  
Que van en romavatge  
Li a pron de gents  
Que van a Betelèm.  
Li vòle anar,  
Sensa perdre coratge  
Li vòle anar,  
Se pòde caminar.

La camba me fai mau  
Bota sèla, bota sèla  
La camba me fai mau  
Bota sèla, mon chivau.

Toi lei bergièrs  
Qu'èran sus la montanha  
Toi lei bergièrs  
An vist un messatgièr  
Que li a cridat :  
« Metètz-vos en campanha »  
Que li a cridat :  
« Lo fiu de Dieu es nat »

La camba me fai mau  
Bota sèla, bota sèla  
La camba me fai mau  
Bota sèla, mon chivau.

Un gròs pastràs  
Que fa la catamiaula  
Un gròs pastràs  
S'en vai au pichon pas.  
S'es revirat  
Au bruch de ma paraula  
S'es revirat  
Li ai dich de m'esperar.

La camba me fai mau  
Bota sèla, bota sèla  
La camba me fai mau  
Bota sèla, mon chivau.

Ai un rossin  
Que vòla dessus tèrra  
Ai un rossin  
Que manja de camin  
L'ai achetat  
D'un que ven de la guèrra  
L'ai achetat  
Cinc escut de patac.

La camba me fai mau  
Bota sèla, bota sèla  
La camba me fai mau  
Bota sèla, mon chivau.

Quand aurai vist  
Lo fiu de Dieu lo paire,  
Quand aurai vist  
L'enfant de Paradís,  
E quand aurai  
Felicitat sa maire,  
E quand aurai  
Fach tot çò que deurai.

N'aurai pus ges de mau  
Bota sèla, bota sèla  
N'aurai pus ges de mau  
Bota sèla, mon chiva

Micolau Saboly.